


卷之二



Small, illegible characters or markings, possibly a library stamp or a small inscription.



史異編序



史異者紀異也何異乎紀天
地日星山川人物之變常也
於變常何紀乎常者治徵變
者亂徵也稱史異者皆正史

史異編
之所載也釋官野史獨不記
異乎以國史不書或妄誕而
難信也史載矣而又集為一
書者欲人君知恐懼脩省也
文
作之者誰吾鄉水部余君也

君以變異散在各史則反常
者以常者掩集而成書則一
披覽而千古興亡得失之徵
得寓目焉蓋和氣致祥乖氣
致異日月星辰山川人物之

精與人君之行事每相感召
故或先事而告警或後事而
著應無示也無不示也惟聖
人能轉異以為常故曰致中
和天地位焉萬物育焉天位

於上於是和有和風甘雨景星
慶雲而彗孛冰雹之異息矣
地位於下於是和海晏河清
坤寧艮止而山崩地震之變
絕矣萬物育於中於是含齒

戴髮飛走動植之倫各適其
常而物怪人妖不書于冊矣
自古雖極治之世不能無異
惟脩德用人以禳之則雖有
其異而無其應故洪水滔天

而堯不以其故貶聖雉升鼎
耳而高宗不以其故損賢夫
人君者德則其祥不德則其
妖也妖由人興不由天降故
變古易常橫徵暴斂是君之

彗孛冰雹也窮治土木妄興
師旅是世之山崩地震也女
寵內豎貪夫邪臣招權納賄
結黨蠹政是世之物怪人妖
也有一於斯雖無變異亦禍

人國可不慎乎

聖明御宇垂五十年海內雍熙
視唐開元宋慶曆不啻過之
而邇年海內異常之事時嘗
報聞若牛妖豕異猶其小者

近者陪京鼠渡江矣日相摩
矣天狗墜地矣又有京師河
赤陵寢地震白氣貫天彗星
掃斗經月方散見者寒心果
氣數適值陰陽錯亂有不知


其然而然者耶抑用人行政
壅滯鬱結有上拂天意者耶
何上天示儆其仁愛之無已
也余觀春秋所書若星孛于
太辰于北斗星隕如雨梁山

沙鹿崩大水大雨雹之類蓋
詳哉其言之然二百四十年
間惟此數事未有一年之內
而變異迭出視春秋時尤有
甚焉亦可畏矣哉余君之為

此書蓋徵事於既往而寓意
於方來忠愛之心藹然可想
然篇中所載皆前世不祥之
事何可使
人主聞之耶噫責不專在

人主也十月之詩言日食電震
百川沸騰山冢萃崩所以警
其君者至矣而後章繼之曰
三事大夫莫肯夙夜邦君諸
侯莫肯朝夕然則覽是書者
凡百有位各思恐懼脩職以
弭天變始稱畏天始稱敬君
哉是為序

溫陵黃克纘撰



Faint vertical text columns, possibly bleed-through from the reverse side of the page.

自序

子不語怪余獨錄異者何興必
有禎也必有孽此常理也有所
惕則瞿無所傲則媮此常情也
理之不能不常而異情之不能

不異而常此又一定之數而不
可易也夫異者異矣而常者未
始異故脩而祥萃災弭否而祥
謝災乘常也脩而災不為災否
而祥不為祥常也脩而反重之

災愈生省惕否而反驕之祥益
肆愒淫亦異而常也故曰天定
勝人人定勝天則大異之摠歸
於大常耳文龍性素嗜史往來
於廿一代之間上下乎千帝百

王之述嘗試刪輯史嚮綴布字
內業已膾炙人口茲不自揣復
採異徵一帙錄其尤者分門別
彙序派合流予以補前刻之未
備且以醒同志之倦眼一披閱

間古今得失之林感應桴鼓之
捷襍稷輯瑞之方庶幾少裨幸
勿以余生為好異也者而嗔呶
之
萬曆己未仲春之吉晉安中拙

余文龍書於金陵公署之拙
我齋



史異編序

災祥之說其來自尚書春秋
蓋天地人物皆有之災亦謂
之祥或謂為變或謂為孽為
禍為疴為恠為沴為戾前代

諸史析爲五行天文志馬貴
與通考總之曰物異而日月
星辰風雨則屬象緯凡物悉
天所覆地所載天地之氣失
常感於物而異生焉二之非

也鄭夾漈通志以洪範五行
爲巫瞽之學人間禍福冥不
可知一草一木繩以五行牽
合附會此其論甚辨而可喜
然亦後人談災祥求事應之

過而未可謂書春秋盡誣也
余中拙工部取諸史中所載
天地人物非常者爲史異編
其理本尚書其法本春秋其
事本各史志而取義于馬貴

與蓋人情耳目所習見聞了
不爲異非所習見聞必錯愕
疑惑因以恐懼脩省聖賢帝
王盛德大業于是乎資


今天子御宇久四方災祥之奏

身異編 李序
歲無虛月而視爲故然曾不
知其異中拙旣爲此編又取
天元玉曆關象緯者繪之成
圖蓋曰人無所不至唯天不
容僞相臣之調燮儒臣之啓
沃爭臣之匡救得是編而陳
之于以警動

上心知天之示異爲仁愛爲告
誠懲旣往戒將來詭禍爲福
久安長治豈曰小補之哉非

夫稗官小說若劉敬叔異苑
任昉述異記陶穀清異錄之
類可同日語也

大泌山人李維楨本寧父



史異編目錄

日月

星纏

雲氣虹蜺

風雨雷雹電雪

鼓震

鼓凡有聲者是震凡動徙者是

五行五事五色祥肯

旱荒

人痾

服飾

六畜

馬牛羊雞犬豕之屬

草木

凡花果皆是

鱗介

魚龍龜蛇之屬

羽蟲

鳳鶴鴉雀之屬

毛蟲

虎狐貓鼠之屬

羸蟲

蝗螟之屬

謠讖

凡訛狂皆是

史異雜說

凡一十七卷

一凡屬夢兆者不錄

一先採入史變者不重錄

歷代帝王紀年

史記

司馬遷撰

五帝

黃帝

一百年

帝顓頊

七十八年

帝嚳

七十年

唐堯

九十八年

虞舜

三十九年

夏

禹

十年

啓

十年

太康

失國

中康

帝相

少康

帝予

帝槐

帝芒

帝泄

帝不降

帝扃

帝厘

帝孔甲

帝皐

帝發

帝履癸

是為桀

凡十七主計歲四百七十一年

殷

湯

三十年

外丙

三年

仲任

四年

太甲

稱太宗

沃丁

太庚

小甲

雍巳

太戊

稱中宗

仲丁

外壬

河亶甲

祖乙

祖辛

沃甲

祖丁

南庚

陽甲

盤庚

小辛

小乙

武丁

稱高宗

祖庚

帝甲

廩辛

庚丁

武乙

太丁

帝乙

帝辛

是為紂

凡三十一世計歲六百二十九年又云二十

九主四百九十六年百二十六平又長二十

周

文王 三分有二 武王 六年 成王 三十年

康王 十二年 昭王 穆王 五十五年

共王 懿王 孝王

夷王 厲王 奔于彘周公召公行政號共和

宣王 四十六年 幽王 三年 平王 五十一年

桓王 二十三年 莊王 十五年 釐王 五年

惠王 二十五年 襄王 三十二年 頃王 六年

匡王 六年 定王 二十一年 簡王 十四年

靈王 二十七年 景王 二十年 敬王 四十二年

元王 八年 定王 二十八定當為貞 哀王 三月

思王 五月 考王 十五年 威烈王 二十四年

安王 二十六年 烈王 十年 顯王 四十四年

慎靚王 六年 赧王 五十九年

凡三十七主計歲八百二十七年

秦

始皇帝 三十七年 胡亥 三年

凡二世計歲四十年

西漢

班固撰

高祖 十二年

惠帝 六年

高后 八年

文帝 前十六年
後七年

景帝 前七年
中六年
後三年

武帝

建元 六年

元光 六年

元朔 六年

元狩 六年

元鼎 六年

元封 六年

太初 四年

天漢 四年

太始 四年

征和 四年

後元 二年

昭帝

始元 六年

元鳳 六年

元平 一年

宣帝

本始 四年

地節 四年

元康 四年

神爵 四年

五鳳 四年

甘露 四年

黃龍 一年

元帝

初元 五年

永光 五年

建昭 五年

竟寧 一年

成帝

建始

四年

河平

四年

陽朔

四年

鴻嘉

四年

永始

四年

元延

四年

綏和

二年

哀帝

正鳳

甘露

建平

四年

元壽

二年

永始

四年

平帝

元始

五年

凡十二主計歲二百一十年

新莽

居攝

三年

建國

八年

天鳳

六年

地皇

四年

更始

二年

東漢

范曄撰

梁劉昭補十志

光武帝

建武

三十一年

中元

二年

明帝

永平

十八年

章帝

建初八年

元和三年

章和二年

和帝

永光十六年

元興一年

東殤帝

更延平一年

安帝

永初七年

元初六年

永寧一年

建光一年

延光四年

順帝

永建六年

陽嘉四年

永和六年

漢安二年

建康一年

冲帝

永嘉一年

質帝

本初一年

桓帝

建和三年

和平一年

元嘉二年

永興 二年
永壽 三年
延熹 九年

永康 一年

靈帝

建寧 四年
熹平 六年
光和 六年

中平 六年

獻帝

初平 四年
興平 二年
建安 二十五年

凡十二主計歲一百九十六年

前後兩漢共二十四主共計歲四百零六年

三國 陳壽撰

魏太祖武帝 仍建安號

文帝

黃初 七年初號延康後改今元

明帝

太和 六年
青龍 四年
景初 三年

齊王芳

正始 九年
嘉平 六年

高貴鄉公

正元 二年

甘露 四年

陳留王 卽元帝

景元 五年

咸熙 二年

凡六主計歲四十八年

蜀先主昭烈帝

章武 三年

後主

建興 十五年

延熙 二十年

景耀 六年

凡二主計歲四十四年

吳主孫權

黃武 六年

黃龍 三年

嘉禾 六年

赤烏 十三年

太元 二年

孫亮

惠神鳳 二年

五鳳 三年

永安 七年

孫皓

元興 一年

甘露 一年

寶鼎 二年

建衡 三年

鳳凰 二年

天璽 四年

凡三主計歲五十五年

晉 唐太宗御撰

世祖武帝

泰始 十年

太熙 一年四月帝崩

惠帝鳳

永熙 一年即太熙本
年五月改元

永康 一年
永寧 一年

永興 二年先號永安
建武後改今元

懷帝

永嘉 七年

愍帝

建興 四年

元帝

建武 一年
太興 四年

明帝

太寧 三年

成帝

咸和 九年
咸康 八年

太康 十年

元康 九年

大安 二年

光熙 一年

永昌 一年

康帝

建元

穆帝

永和

哀帝

隆和

海西公

太和

簡文帝

咸安

孝武帝

寧康

安帝

隆安

恭帝

元熙

元熙

南朝

二年

三年

十二年

一年

一年

六年

六年

六年

二年

二年

三年

三年

五年

二年

二年

李延壽撰

如東

八年

八年

五年

五年

三年

三年

三年

三年

三年

三年

三年

三年

三年

三年

三年

三年

十

元熙十五主計歲一百五十八年

義熙十四年

宋武帝

永初 三年

少帝營陽王

恭景平 二年

文帝

元嘉 三十年

孝武帝

孝建 三年

前廢帝

大明 八年

景和

一年初號永光後改今元

明帝

太始 七年

泰豫 一年

後廢帝

元徽 四年

順帝

昇明 三年

凡八主計歲六十二年

齊高帝

建元 四年

武帝 八主 計歲六十二年

永明 十一年

廢帝鬱林王

隆昌 一年

廢帝海陵王

延興 一年

明帝

建武 四年

永泰 一年

廢帝東昏侯

刺永元 三年

和帝 八主 計歲五十六年

中興 二年

太平 二年

廢帝凡七主 計歲二十七年

梁武帝

天監 十八年

普通 七年

大通 二年

中大通 六年

大同 十一年

中大通 一年

簡太清 三年

簡文帝

大寶 二年

元帝

承聖 三年

敬帝

紹泰 一年

凡四主計歲五十六年

陳武帝

永定 三年

文帝

天嘉 六年

廢帝

光大 二年

宣帝

太建 十四年

後主

至德 四年

禎明 三年

凡五主計歲三十三年

北朝 李延壽撰

西魏道武帝

登國 十年

天賜 六年

明元帝

永興 五年

太武帝

始光 四年

文太延 五年

北齊 李延壽撰

神武 三年

皇始 二年

天興 六年

神瑞 二年

神龍 四年

延和 三年

太平真君 十一年

正平 二年

文成帝

興安 二年

和平 六年

獻文帝

天安 一年

孝文帝

延興 五年

宣武帝

景明 四年

興光 一年

大安 五年

皇興 五年

承明 一年

太和 二十三年

正始 四年

永平 四年

延昌 四年

孝明帝

熙平 二年

孝昌 三年

孝莊帝

永安 三年

元曄建明 一年附

節閔帝

文普泰 二年

五故 四年

神龜 二年

正光 五年

武泰 一年

皇興 五年

永平 四年

廢帝朗

中興 二年

孝武帝

永熙 二年初號太昌次改永熙
與十二月又改今元

文帝

大統 十七年

廢帝欽 三年無號

恭帝 三年遜于周

東魏孝靜帝

天平 四年
元象 一年
興和 四年

武定 八年
遜于齊

共十七主計歲一百九十七年

齊神武文襄 尚未建號不錄

文宣帝

天保 十年

廢帝殷

乾明 一年

孝昭帝

皇建 二年

武成帝

泰寧 一年

河清 四年

後主緯

天統 五年

武平 六年

隆化 一年

幼主恒

承光 一年

比六主計歲三十一年

周太祖 未建號不錄

孝閔帝

受禪一年被弒

明帝

六主計歲三十一年

武成

二年

武帝

保定

五年

天和

六年

建德

六年

宣帝

宣政

一年即武帝崩年也

大象

二年先號大成二月改今元

靜帝

大定

一年

凡四主計歲二十三年

隋文帝

開皇

二十年

仁壽

四年

煬帝

高祖

十三年

恭帝

大義寧

二年

凡三主計歲三十九年

唐

自本紀至表歐陽脩撰

列傳宋祁撰

高祖

武德 九年

太宗

貞觀 二十三年

高宗

永徽 六年

麟德 二年

咸亨 四年

調露 一年

永淳 一年

則天武后

光宅 正月改嗣聖又改文明共一年

永昌 一年

延載 一年

萬歲通天 一年

久視 一年

中宗 二年

神龍 二年

高宗

顯慶 五年

龍朔 三年

乾封 二年

上元 二年

永隆 一年

弘道 一年

天授 二年初改載初

天冊萬歲 二年初改證聖

神功 一年

長安 五年初改大足

景龍 四年

垂拱 四年

長壽 二年初改如意

聖曆 二年

儀鳳 三年

總章 二年

開耀 一年

睿宗

景雲

先天

玄宗

開元

肅宗

至德

寶應

代宗

廣德

德宗

建中

順宗

永貞

憲宗

文元

穆宗

長慶

二年內韋后先立皇太子

重茂號唐隆後改今元

二年

九

年

二

載

一

年

二

年

六

年

一

年

十

四

天寶

乾元

上元

大曆

永泰

興元

貞元

開元

元

和

和

和

十五年自二年以前稱年三年以後稱載

三

年

二

年

一

年

一

年

正

年

年

年

敬宗

寶曆

文宗

太和

武宗

會昌

宣宗

大中

懿宗

二年

二年

十四年

九年

開成 五年

六年

十三年

咸通

僖宗

乾符

光啓

昭宗

龍紀

乾寧

哀帝

天祐

十四年

六年

三年

一年

四年

廣明 一年

文德

大順

光化

景福

天復

中和 四年

一年

二年

三年

二年

三年

天凡二十一主計歲二百九十五年

五代 歐陽修撰

梁太祖

開平 四年

乾化 二年

末帝

乾化 二年初友珪弒帝自立改號鳳曆末帝黜之仍稱乾化

貞明 六年

龍德 三年

凡二主計歲一十七年

唐莊宗

同光 四年

明宗

天成 四年

長興 四年

愍帝

應順 一年

廢帝

清泰 三年

出帝凡四主計歲一十六年

晉高祖

天福

七年

出帝

仍稱天福

為一年稱八年

凡二主計歲一十一年

開運

三年

漢高祖

接稱天福

一年稱為十二年

乾祐

一年

隱帝

仍稱乾祐

二年并前三年故史有三年之稱

凡二主計歲四年

周太祖

廣順

三年

世宗

顯德

六年內太祖於顯德元年正月崩故太祖不載

恭帝

接稱顯德七年

實只一年禪於宋

凡三主計歲十年

宋

脫脫撰

太祖

史異
目錄
建隆 四年
乾德 五年
開寶 九年

太宗
太平興國 八年
雍熙 四年
端拱 二年

淳化 五年
至道 三年

真宗
咸平 六年
景德 四年
大中祥符 九年

天禧 五年
乾興 一年

仁宗
天聖 九年
明道 二年
景祐 四年

寶元 二年
康定 一年
慶曆 八年

英宗
皇佑 五年
至和 二年
嘉祐 八年

治平 四年

神宗
熙寧 十年
元豐 八年

哲宗
元祐 八年
紹聖 四年
元符 三年

徽宗
崇寧 五年
大觀 四年

史異
目錄
三

建中靖國 一年
崇寧 五年

大觀 四年

政和 七年
重和 一年

宣和 七年

欽宗

靖康 二年

高宗

建炎 四年

紹興 三十二年

孝宗

隆興 二年

乾道 九年

淳熙 十六年

光宗

紹熙 五年

寧宗

慶元 六年

嘉泰 四年

開禧 三年

嘉定 十七年

理宗

寶慶 三年
紹定 六年
端平 三年

嘉熙 四年
淳祐 十二年

寶祐 六年

開慶 一年

景定 五年

度宗

咸淳 十年

瀛國公

德祐 二年

凡十六主計歲三百二十年

遼 脫脫 撰

太祖

即位 九年無號 神册 六年

天顯 一年

太宗

仍稱天顯 十二年 會同 九年

世宗

天祿 五年

穆宗

應曆 十九年

景宗

保寧 十年

乾亨 四年

聖宗

統和 二十九年

開泰 九年

太平 十一年

興宗

重熙

二十四年

道宗

清寧

十年

咸雍

十年

太康

十年

大安

十年

壽隆

七年

天祚

乾統

十年

天慶

十年

保泰

五年八月降金

世宗凡九主計歲二百二十五年

金 脫脫極

太祖

收國

二年

天輔

七年

太宗

天會

十三年

熙宗

天眷

三年

皇統

九年

廢帝海陵

天德

四年

貞元

三年

正隆

六年

世宗

世大定 二十九年

章宗 四年

明昌 六年

衛紹王 三年

大安 三年

宣宗 會 十三年

貞祐 四年

哀宗 四年

天正 八年

承安 五年

貞元 三年

皇統 六年

崇慶 一年

興定 五年

天興 三年

泰和 八年

五盈 六年

至寧 一年

元光 二年

凡九主計歲一百二十二年

元 宋濂撰

太祖 享國二十二年無號即位于金泰和之六年

太宗 享國十三年無號內第六年金亡

六皇后 稱制四年無號

定宗 享國三年無號

已酉庚戌二年無君

憲宗 享國九年

世祖 享國二十一年

中統 四年

至元 三十一年

成宗

元貞 二年
大德 十一年

武宗

至大 四年

仁宗

皇慶 二年
延祐 七年

英宗

至治 二年
天曆 二年

泰定帝

泰定 四年
致和 一年

明宗 即位二月無號

文宗

天曆 二年
至順 二年

寧宗 即位二月無號

順帝

元統 二年
至元 六年 詔仍世祖之舊號

至正 二十八年

凡十五主計歲一百六十三年距金亡實一
百三十四年

寧宗

明世二八月無幾

文宗

史異編

史異編卷之一

明晉安余文龍中拙編輯

男兆胤伯景校

春秋昭公七年四月甲辰朔日有食之晉侯問於士

文伯曰誰將當日食對曰魯衛惡之衛大魯小公

曰何故對曰去衛地如魯地於是有災其衛君乎

魯將上卿是歲八月衛襄公卒十二月魯季孫宿

卒晉侯謂士文伯曰吾所問日食從矣如其言也可常



乎常可以此對曰不可六物不同歲時日月星辰也民心

不一事序不類官職不則同始異終胡可常也詩

曰或宴宴居息或盡頓事國其異終也如是

漢成帝建始元年八月戊午晨漏未盡三刻有兩月

相承晨見東方京房易傳曰婦貞厲月幾望君子

征凶言君弱而婦彊為陰所乘則月竝出晦而月

見西方謂之朏朔而月見東方謂之仄隱仄則

侯王其肅朏則侯王其舒朏疾也仄隱遲也

漢靈帝中平五年正月日色赤黃中有黑氣如飛鵲

數月乃銷

漢靈帝時日數出東方正赤如血無光高二丈餘乃

有景且入西方去地二丈亦如之占曰事天不謹

則日月赤是時月出入去地二三丈皆赤如血者

數矣

晉武帝太康元年正月己丑五色氣貫日自卯至酉

占曰君道失明丑為牛牛主吳越是時孫皓淫暴

四月降

晉惠帝元康九年正月日中有若飛燕者數日乃銷

王隱以為愍懷廢死之徵

晉懷帝永嘉二年二月癸卯白虹貫日青黃暈五重

占曰近臣為亂或諸侯有反者後劉聰破京都帝

蒙塵于寇庭

永嘉五年三月日散光如血下流所照皆赤日中有

若飛燕者

晉愍帝建興二年正月有如日隕于地又有三日相

承出於西方而東行五年正月三日並照虹蜺彌

天日有重暈左右兩珥占曰三日並出不過三旬

諸侯爭為帝日重暈天下有立王暈而珥天下有

立侯三月而江東改元為建武劉聰李雄亦跨曹

劉彊宇三分天下

如日者似而非也

晉元帝太興元年十一月乙卯日夜出高三丈中有

赤青珥

晉穆帝永和八年張重華在涼州日暴赤如火中有

三足鳥形見分明五日乃止

晉安帝隆安五年三月甲子日生齒占曰天子有賊

臣桓玄篡位之徵也

安帝義熙十三年春正月朔日食秦朝會前殿君臣相泣是歲秦亡

南宋文帝元嘉六年十一月朔日食星晝見秦地震一日三變大異也綱目特書之

南宋後廢帝元徽二年五月月犯右執法太白犯正將或勸劉劭解職劭曰吾執心行已無愧幽明災眚之來避何可免於是果于石頭戰敗死

南梁武帝太清元年春正月朔日食正旦不盡如鉤是侯景反叛梁國滅亡之兆也

太清二年春正月癸巳朔兩月相承如鉤見于西方南梁簡文帝大寶元年正月丙寅月晝見于東方北周宣帝大象元年二月癸未日出將入時其中並有烏色大如雞卵經四日乃滅

唐太宗貞觀初突厥有五晷並照

貞觀初突厥有三月並見

唐高宗咸亨元年二月癸丑四方濛濛日有濁氣色

赤如赭

唐玄宗天寶三載正月庚戌月有紅氣如垂帶

史異 卷之一 四
唐代宗大曆二年七月丙寅日傍有青赤氣長四丈
餘三年正月丁巳日有黃冠青赤珥凡氣長而立
者爲直橫者爲格立於日上者爲冠直爲有自立
者格爲戰鬪又曰赤氣在日上君有佞臣黃爲土
功青赤爲憂

大曆十年九月戊申月暈熒惑畢昴參東及五車暈
中有黑氣乍合乍散十二月丙子月出東方上有
白氣十餘道如匹練貫五車及畢觜觿參東井輿
鬼柳軒轅中夜散去占曰女主凶白氣爲兵喪五
車主庫兵軒轅爲後宮其宿則晉及京師也

唐憲宗元和二年十月壬午日傍有黑氣如人形跪
手捧盤向日盤中氣如人頭

唐文宗太和二年十二月癸亥有黑稜與日如鬪
唐武宗會昌六年二月丁亥日出無光犯熒惑于太
微垣之乃稍有光遂犯左執法

唐僖宗乾符六年十一月丙辰朔有兩日並出而鬪
三日乃不見鬪者離而復合也

僖宗廣明元年日暈如虹黃氣蔽日無光日不可以

二虹百殃之本也

唐昭宗天復二年十二月甲申夜月有三暈裏白中

赤黃外綠

唐哀帝天祐二年正月乙酉日有黃白暈暈上有青

赤背暈中生白虹漸東長百餘丈

天祐二年二月巳巳日有黃白暈半環有蒼黑雲夾

日各長六尺餘既而雲變狀如人如馬乃消舊占

半暈者相有謀蒼黑稜祥也夾日者賊臣制君之

象變而如人者為叛臣如馬者為兵

五代周恭帝顯德七年正月癸卯日既出其下復有

一日相掩黑光摩盪者久之苗訓指謂楚昭輔曰

此天命也旋有陳橋之變

宋真宗景德元年十二月甲辰日有二影如三日狀

真宗天禧四年四月乙酉西南方兩月重光

宋徽宗政和二年四月辛卯日中有黑子乍二年三

如粟大

宋高宗紹興二年二月丙子月未嘗闕而闕體如食

色黃白

宋瀛國公德祐元年六月庚子朔日食既天地晦冥
咫尺不辨人雞鶩歸棲自己至申其明始復

德祐二年二月丁酉朔日中有黑子如鵝卵相盪

金章宗泰和三年十月戊戌日將暮赤如赭甲辰申

酉間天大赤夜將旦亦如之

金宣宗興定三年十一月癸丑白虹二夾月尋復貫

之

金哀宗正大四年十一月乙未未時日上有二白虹

貫之

正大八年三月庚戌酉正日忽白而失色乍明乍暗

左右有氣似日而無光與日相凌而日光四出搖

盪至沒

袁宗天興三年正月己酉日大赤無光京索之間雨

血十餘里是日蔡城陷金亡

元世祖至元二十九年正月甲午朔日有食之有物

漸侵入日中不能既日體如金環然左右有珥上

有抱氣

元順帝仍改至元三年正月丁巳日有交暈左右珥

天上有白虹貫之

順帝至正二十五年三月壬戌日有暈內赤外青白

虹如連環貫之二十六年二月丁卯日有暈左珥

上有背氣一道

景宗天興三年五月丙酉日太白無光

蓋至也

式亦亦

孟大人

史異編卷之二

明 晉安余文龍中拙編輯

男兆胤伯景校

星纏

五星者木曰歲星火曰熒惑星土曰鎮星金曰太白

星水曰辰星

凡五星早出為羸羸為客晚出為縮縮為主人五星

羸縮必有天應見杓

中宮天極星東宮蒼龍南宮朱雀西宮咸池北宮玄

武

張衡曰東南有三星名曰盜星出則天下有大盜西南有三大星名曰種陵出則天下穀貴十倍西北有三大星出而白名天狗出則人相食大凶東北有三大星名曰女帛見則有大喪

秦始皇三十六年熒惑守心有墜星下東郡至地爲石黔首或刻其石曰始皇帝死而地分始皇聞之遣御史逐問莫服盡取石旁居人誅之因燔銷其石

漢高祖三年秋太白出西方有光幾中乍北乍南過期乃入辰星出四孟占曰太白出西方有光幾中是秦地戰將勝而漢國將興也辰星出四孟易王之表也後二年漢滅楚

漢武帝元封元年秋有星茀於東井後十餘日有星茀於三能望氣王朔言候獨見其星出如瓠食頃復入焉有司言曰陛下建漢家封禪天其報德星

云曰大星大星之象天文以西方爲德北大星

漢昭帝元平元年二月甲申晨有大星如月衆星隨

而西行乙酉牂雲如狗赤色長尾三枚夾漢西行
占曰大星大臣之象天文以西行爲逆此大臣欲
行權以安社稷太白散爲天狗爲卒起卒起見禍
無時臣運柄牂雲爲亂君四月大將軍霍光白皇
太后廢昌邑王賀

漢宣帝黃龍元年三月客星居王良東北可九尺長
丈餘西指出閣道間至紫宮十二月宮車晏駕

漢元帝初元五年四月彗星出西北赤黃色長八尺
所後數日長丈餘東北指在參分後二歲餘西羗

反

漢成帝建始元年九月戊子有流星出文昌色白光
燭地長可四丈大一圍動搖如龍蛇形有頃長可
五六丈大四圍所詘折委曲貫紫宮西在斗西北
子亥間後詘如環北方不合畱一刻所占曰文昌
爲上將貴相是時帝舅王鳳舅子王商皆貴重任
政

成帝河平二年十月下旬填星在東井軒轅南端大
星尺餘歲星在其西北尺所熒惑在其西北二尺

史異 卷之二
所皆從西方來填星貫輿鬼先到歲星次熒惑亦
貫輿鬼十一月上旬歲星熒惑西去填星皆西北
逆行占曰三星若合是謂驚位是謂絕行外內有
兵與喪改立王公其十一月丁巳夜郎王歆大逆
不道牂柯太守立捕殺歆
成帝永始二年二月癸未夜過中星隕如雨長一二
丈繹繹未至地滅至雞鳴止谷永對曰星辰附離
於天猶庶民附離王者也王者失道紀綱廢頓下
將叛去故星叛天而隕以見其象

成帝元延元年四月丁酉日晡時天暝晏殷殷如雷
聲有流星頭大如缶長十餘丈皎然赤白色從日
下東南去四面或大如盂或如雞子耀耀如雨下
至昏止占爲王者失勢諸侯起伯之異也其後王
莽顛國遂行篡逆

成帝綏和元年正月辛未有流星從東南入北斗長
數十丈二刻所息占曰大臣有繫者其年十一月
定陵侯淳于長坐執左道下獄死

漢哀帝建平二年二月彗星出牽牛七十餘日傳曰

彗所以除舊布新也牽牛日月五星所從起歷數
 之元三正之始彗而出之改更之象也其出久者
 爲其事大也後卒有王莽篡國之禍其平十一日
 哀帝元壽元年十一月歲星入太微逆行于右執法
 占曰大臣有憂執法者誅若有罪二年十月高安
 侯董賢免大司馬位歸第自殺

新王莽地皇四年使司徒王尋司空王邑將兵百萬
 圍昆陽城晝有雲氣如壞山墮軍上軍人皆壓所
 謂營頭之星也怪星晝行名曰營頭占曰營頭之所墮其下

覆軍流血三千里是時光武將兵數千人赴救昆
 陽擊敗之尋邑俱誅死滹水爲之不流

地皇四年秋太白星流入太微燭地如月光

漢光武建武十年三月癸卯流星如月出太微出入
 北斗魁第六星色白旁有小星射者十餘枚滅則
 有聲如雷食頃止流星爲貴使太微天子廷北斗
 魁主殺星從太微出抵北斗魁是天子大使將出

有所伐殺

建武十二年正月己未小星流百枚以上或西北或

正北或東北三夜止是小民流移之象也

漢明帝永平元年四月丁酉流星大如斗起天市樓西南行光照地流星爲外兵西南行爲西南夷是時益州發兵擊姑復蠻夷大牟替滅陵斬首傳詣雒陽

永平七年正月戊子流星大如杯從織女西行光照地織女天之真女流星出之女主憂其月光烈皇
后崩

永平八年六月壬午長星出柳張三十七度犯軒轅

靈刺天舩陵太微氣至上階凡見五十六日去柳周地是歲多雨水

永平十五年十一月乙丑太白入月中爲大將戮人主亡不出三年後三年帝果崩

漢順帝永和三年二月辛巳太白晝見戊子在熒惑西南光芒相犯辛丑有流星大如斗從西北東行長八九尺色赤黃有聲隆隆如雷三月壬子太白晝見六月丙午八月乙卯閏月乙卯太白俱晝見太白者將軍之官又爲西州晝見陰盛與君爭明

熒惑與太白相犯爲兵喪流星爲使聲隆隆怒之象也是時大將軍梁商父子乘勢故太白常晝見也

漢靈帝熹平二年四月有星出文昌入紫宮蛇行有戴首尾無身赤色有光焰垣墻占曰文昌爲上將貴相主大臣不利

靈帝光和中國皇星東南角去地一二丈如炬火狀十餘日不見占曰國皇星爲內亂外內有兵喪

靈帝中平五年夏流星赤如火長三丈起河鼓入天市抵觸宦者星色白長二三丈後尾再屈食頃乃滅狀似枉矢明年大將軍何進謀誅中官於省中進亦被殺

漢獻帝初平二年九月蚩尤旗見長十餘丈色白出角亢之南占曰有兵

獻帝興平二年春太白犯鎮星於牛斗過天津熒惑又逆行守北河太史令王立謂宗正劉艾曰此金火交會革命之象也漢祚終矣晉魏必有興者立又言於帝曰天命有去就五行不常盛代火者土

也承漢者魏也能安天下者曹姓也惟委任曹姓而巳曹公聞之使人語立曰知公忠於朝廷然天道深遠幸勿多言史令王立前宗五德文曰金獻帝建安二十三年三月孛星晨見東方二十餘日夕出西方犯歷五車東井五諸侯文昌軒轅后妃太微鋒炎指帝坐占曰除舊布新之象也

三國魏明帝景初二年遣司馬宣王征公孫淵淵屯襄平八月丙寅夜大流星長數十丈從首山東北墜襄平旋而宣王當星所墜處斬淵父子初淵家

數有怪犬冠幘絳衣上屋炊有小兒蒸死甑中襄平北市生肉長圍各數尺有頭目口喙無手足而動搖占曰有形不成有體無聲其國滅亡始度以中平六年據遼東至淵三世凡五十年而滅大魏三國魏高貴鄉公正元元年十一月白氣出南斗側廣數丈長竟天王肅曰蚩尤之旗也東南其有亂乎案占蚩尤旗見王者征伐四方

三國蜀後主建興十三年諸葛亮帥大衆伐魏屯於渭南有長星赤而芒角自東北西南流投亮營三

史異 卷之二
投再還往大還小占曰兩軍相當有大流星來走
軍上及墮軍中者皆喪敗之徵也九月亮卒於軍
焚營而退羣帥交怨多相誅殘

晉武帝太康八年九月星孛於南斗長數十丈十餘
日滅占曰斗主爵祿國有大憂

晉海西公太和元年八月戊午太白犯歲星在太微
中六年海西公廢

晉孝武帝寧康元年彗星出于箕尾長十餘丈經太
微掃東井自四月見及冬不滅秦太史令張孟言

箕尾燕分東井秦分也今彗起箕尾而掃東井十
年之後燕當滅秦二十年之後代當滅燕慕容氏
布列朝廷臣竊憂之宜剪其魁傑以消天變堅不
聽

孝武帝太元二十年七月有長星見自須女至于哭
星帝甚惡之於華林園舉酒祝之曰長星勸汝一
杯酒自古何有萬歲天子邪後卒有貴人張氏之

禍

晉安帝 熙十一年八月熒惑不見八十餘日魏太

史奏熒惑在匏瓜中忽亡不知所在於法當入危
亡之國崔浩曰春秋傳神降于莘以其至之日推
知其物今熒惑之亡在庚午辛未二日之間庚午
主秦辛爲西夷熒惑其入秦乎後八十餘日果出
東井畱守鉤已久之乃去秦大旱昆明池竭間一
歲而秦亡

鉤巳曲號

後趙石勒如鄴時有流星大如象尾足蛇形自北極
西南流五十餘丈光明燭地墜于河聲聞九百餘
里又熒惑入昴星隕于鄴東北六十里初赤黑黃

雲如幕長數十匹交錯聲如雷震墜地氣熱如火
塵起連天時有耕者往視之土猶燃沸見有一石
方尺餘青色而輕擊之音如磬旋而勒以疾死

南宋文帝元嘉十九年九月丙辰有客星在北斗因
爲彗入文昌貫五車埽畢拂天節經天苑季冬乃
滅

南齊武帝永明元年冬十月熒惑逆行入太微有司
請禳之帝曰應天以實不以文我克巳求治思隆
惠政災若在我禳之何益

南齊廢帝永元三年春枉矢晝見西方長十餘丈司徒右長史王騫曰此除舊布新之象也及梁武起兵騫曰天時人事其在此乎

騫字思寂

南梁武帝普通元年九月乙卯有星晨見東方光爛如火

武帝太清三年春正月戊辰有流星長三十丈墮武庫李遷仕及天門太守樊文皎進軍青溪東為賊所破文皎死之

南梁武陵王紀將僭逆時蜀知星人說紀曰官若東下當用申年太白出西從之為利申歲發蜀酉年入荆不可失也發蜀之歲太白在西北及明年則已東出矣天道亦微哉

南梁周文育為南道都督帥軍據三坡以討余孝勸有流星墜地其聲如雷地陷方一丈中有碎炭數斗又軍市中忽聞小兒啼一市並驚聽之在土下軍人掘焉得棺長三尺文育惡之俄為豫章內史熊曇朗所害

南梁承聖初侯景兵屯郢城有大星如車輪墜營中

去地十丈變成火一時碎散有龍自城出五色光
曜入城前鸚鵡洲水中景聞之倍道歸建鄴賊帥
宋子仙等被禽

南梁元帝承聖三年十一月庚子夜有流星墜城中
帝援蓍筮之卦成取龜試驗之因抵于地曰吾若
死此下莫非命乎因裂帛爲書催王僧辨曰吾忍
死待公可以至矣辛亥魏軍大攻梁師敗績帝見
執

北魏孝武帝永熙二年熒惑入南斗去而復還畱止
六旬梁武帝以諺云熒惑入南斗天子下殿走乃
跌而下殿以禳之及聞魏主西奔慙曰虜亦應天
象邪

北齊武成帝河清四年三月彗星見有物隕于殿庭
如赤漆鼓帶小鈴殿上石自起兩兩相對又有神
見於後園萬壽堂前山穴中其體壯大不辨其面
文兩齒絕白長出于脣帝直宿嬪御已下七百人咸
見焉

北齊後主天統元年六月壬戌彗星出文昌東北其

史異 卷之二 一
大如手後稍長乃至丈餘百日乃滅

隋文帝開皇五年八月戊申有流星數百四散而下
文帝仁壽四年六月庚午有星入月中數日而退七
月乙未日青無光八日乃復

隋煬帝太業三年春正月景子長星竟天出於東壁
二旬而止二月己丑彗星見於東井文昌歷大陵
五車北河入太微掃帝座前後百餘日而止

大業中元進據吳郡稱爲天子江都郡丞王世充發
兵擊之有大流星墜於江都未及地而南逝磨拂
竹木皆有聲至吳郡而落于地元進惡之令掘地
入二丈得一石徑丈餘數日失石所在元進爲世
充所殺

大業十一年十二月戊寅有大流星如斛隊明月營
破其衝車王莽會內史爲郎令各言小字式

大業十二年八月壬子有大流星如斗出王良閣道
聲如壞墻癸丑大流星如甕出羽林九月戊午有
二枉矢出北斗魁委曲虵形注於南斗

大業十三年五月辛卯夜有流星如甕墜於江都七

六月壬子熒惑守積屍十一月辛酉熒惑犯太微
唐高祖武德九年二月壬午有星孛于胃昴間丁亥
孛于卷舌孛與彗皆非常惡氣所生而災甚于彗
唐太宗貞觀初太白數晝見太史占曰女主昌又言
當有女武王者會內宴爲酒令各言小字左武侯
中郎將封武連縣公李君羨自陳曰五娘子帝愕
然因笑曰何物女子乃此健邪因出爲華州刺史
尋因事誅之後應在武后專國

貞觀十九年七月壬午太白入太微是夜月掩南斗
太白遂犯左執法光芒相及箕斗間

貞觀二十年七月丁未歲星守東壁占曰五穀以水
傷

唐高宗上元三年七月丁亥有彗星于東井指北河
長三丈餘東北行光芒益盛長三丈掃中台指文
昌九月乙酉不見東井京師分中台文昌將相位
兩河天闕也

高宗開耀元年九月丙申有彗星于天市中長五丈
漸小東行至河鼓癸丑不見市者貨食之所聚以

衣食生民者一日帝將遷都河鼓將軍象
唐則天久視元年十二月甲戌晦熒惑犯軒轅自乾
封二年後月及熒惑太白辰星凌犯軒轅者六
則天長安二年熒惑犯五諸侯渾儀監尙獻甫奏臣
受命在金五諸侯太史之位火尅金臣將死矣武
后曰朕爲卿禳之以獻甫爲水衡都尉水生金又
去太史之位卿無憂矣是歲獻甫卒

唐中宗景龍二年二月癸未有大星隕於西南聲如
雷野雉皆雊

唐玄宗開元二年五月乙卯朔晦有星西北流或如
甕或如斗貫北極小者不可勝數天星盡搖至曙
乃止占曰星民象流者失其所也漢書曰星搖者
民勞

開元二十六年三月丙子有星孛于紫微垣歷北斗
魁旬餘因雲陰不見
玄宗天寶十三載五月熒惑守心五旬餘占曰主去
其宮十四載十二月月食歲星在東井占曰其國
亡東井京師分也

唐肅宗至德二載十一月壬戌有流星大如斗東北
流長數丈蛇行屈曲有碎光迸出占曰是謂枉矢
肅宗乾元三年四月丁巳有彗星于東方在婁胃間
色白長四尺東方疾行歷昴畢觜觿參東井輿鬼
柳軒轅至右執法西凡五旬餘不見

唐代宗大曆二年九月乙丑晝有星如一斗器色黃
有尾長六丈餘出南方沒于東北東北于中國則
幽州分也

大曆六年九月甲辰有星西流大如一斗器光燭地
有尾迸光如珠長五丈出婺女入天市南垣滅入

大曆自六年至十三年十二月止月入太微者十有
二入羽林者八熒惑三入東井再入羽林三入壘
壁月太白歲星皆入南斗魁中

唐德宗建中二年六月熒惑太白闕于東井京師分
也金火罰星闕者戰象也

德宗貞元十九年三月熒惑入南斗色如血斗吳越
分色如血者旱祥也

唐憲宗元和六年三月戊戌日晡天陰寒有流星大

如一斛器墜於兗鄆間聲震數百里野雉皆雊所墜之上有赤氣如立蛇長丈餘至夕乃滅時占者以爲日在戌魯分也不及十年其野王殺而地分元和十二年九月巳亥甲夜有流星起中天首如甕尾如二百斛船長十餘丈聲如羣鴨飛明如火炬過月下西流須臾有聲礫礫墜地有大聲如壞屋者三在陳蔡間

唐穆宗長慶元年正月丙辰有大星出狼星北色赤有尾迹長三丈餘光燭地東北流至七星南滅八

月辛巳東北方有大星自雲中出色白光燭地前銳後大長二丈餘西北流入雲中滅

長慶三年八月丁酉夜有大流星如數斗器起西北經奎婁東南流去月甚近迸光散落墜地有聲

長慶四年三月庚午太白犯東井北轅遂入井中晝見經天七日而出因犯輿鬼京師分也

唐文宗太和四年六月辛未自昏至戌夜流星或大或小觀者不能數占曰民失其所王者失道綱紀廢則然

太和八年六月辛巳夜中有流星出河鼓赤色有尾
迹光燭地迸如散珠北行近天棊滅有聲如雷河
鼓爲將軍天棊者帝之武備

文宗開成二年二月彗星於危長七尺餘西指南斗
戊申在危西南芒耀愈盛癸丑在虛辛酉長丈餘
西行稍南指壬戌在婺女長二丈餘廣三尺癸亥
愈長且濶三月甲子在南斗乙丑長五丈其末兩
岐一指氏一掩房丙寅長六丈無岐北指在亢七
度丁卯西北行東指巳巳長八丈餘在張癸未長

三尺在軒轅右不見凡彗星晨出則西指夕出則
東指乃常也未有遍指四方凌犯如此之甚者

開成二年九月丁酉有星大如斗長五丈自室壁西
北流入大角下沒狀類枉矢中天有聲小星數百
隨之

開成五年春木當王而歲星小闇無光占曰有大喪
唐懿宗咸通中熒惑鎮星太白辰星聚于畢昴在趙
魏之分詔鎮州王景崇被袞冕軍府稱臣以厭之
咸通九年十一月丁酉有星出如匹練亘空化爲雲

而沒在楚分是謂長庚見則兵起
咸通十三年春有二星從天際而上相從至中天狀
如旌旗乃隕
唐僖宗光啓三年六月天暴雨雷電有星大如椀起
西南墜于東北色如鶴練聲如羣鴻飛占爲姦謀
唐昭宗景福元年五月蚩尤旗見初出有白彗形如
髮長二尺許經數日乃從中天下如匹布至地如
蛇六月孫儒攻楊行密於宣州有黑雲如山漸下
墜於儒營上狀如破屋占曰營頭星也

景福二年二月天久陰至四月乙酉夜雲稍開有彗
星于上台長十餘丈東行入太微掃大角入天市
天經三旬有七日益長至二十餘丈因雲陰不見
昭宗乾寧三年十月有客星三一大二小在虛間乍
天合乍離相隨東行狀如鬪經三日而二小星沒其
大星後沒虛危齊分也

唐昭宗天復元年五月有三赤星各有鋒芒在南方
天旣而西方北方東方亦如之頃之又各增一星凡
十六星少時先從北滅占曰濛星也見則諸侯兵

相攻星少却次發北極古曰紫星也良限諸天共

天復元年五月自丁酉至于巳亥太白晝見經天在

井度十月大角五色散搖煌煌如火占曰王者惡

之星發於虛亦有分也

天復二年五月夕有星當箕下如炬火炎炎上衝人

初以為燒火也高丈餘乃隕占曰機星也下有亂

天復二年十月甲戌太白夕見在斗去地一丈而隧

占曰兵聚其下

天復三年十一月丙戌太白在南斗去地五尺許色

小而黃至明年正月乃高十丈光芒甚大是冬熒

惑徘徊於東井間久而不去京師分也

唐哀帝天祐元年二月辛卯太白夕見昴西色赤炎

燄如火壬辰有三角如花而動搖占曰有反城有

火炎胡兵起

天祐元年四月有星狀如人首赤身黑在北斗下紫

微中占曰天衝也天衝抱極泣帝前血濁霧下天

天下寃後三日而黑風晦暝大星出中天

天祐元年五月戊寅乙夜雨晦暝有星長二十丈出

東方西南向首黑尾赤中白枉矢也。一曰長星出
天祐二年三月乙丑夜中有大星出中天如五斗器
流至西北去地十丈許而止。上有星芒炎如火赤
天而黃長丈五許而蛇行小星皆動而東南其隕如
雨少頃沒後有蒼白氣如竹叢上衝方中色瞢瞢
占曰枉矢也。
天祐三年十二月昏東方有星如太白自地徐上行
極緩至中天如上弦月乃曲行頃之分爲二占曰
有大孽。

五代唐莊宗同光三年六月庚寅衆星流自二更盡
三更而止九月丁未天狗墮有聲如雷野雉皆雊

五代晉張希崇高祖入立拜靈武節度使天福三年
月掩畢口大星希崇歎曰畢口大星邊將也我其
當之乎明年正月卒。

宋太宗淳化元年十二月壬午流星出天關南行歷
東井卽位攝提至大角東北墜於地光芒四照聲
如墮墜。

宋真宗咸平五年八月丙申有星流出東方西南行

宋大如斗有聲若牛吼小星數十隨之而隕西南
咸平六年十二月乙酉威虜軍有星歷城西北尾跡
長數里光照地落蕃帳有聲如雷者三

真宗景德三年四月戊寅周伯星見出氏南騎官西
一度狀如半月有芒角煌煌然可以鑒物歷庫樓

東

此景星也

宋陳堯咨字嘉謨官拜武信軍節度使忽一日所居
棟摧大星實于庭散爲白氣已而卒

真宗朝

宋仁宗天聖六年四月甲申夜漏欲盡有星大如斗

器自北方至於西南光照地有聲如雷曳尾跡長
數丈久之散爲蒼白雲

仁宗明道二年二月戊戌含譽星見東北方其色黃
白光芒長二尺許

宋英宗治平三年三月辛巳夕彗星見西南北有星
無芒彗益東方別有白氣一闊三尺許貫紫微極
星并房宿首尾入濁益東行歷文昌北斗貫尾至
壬午星復有芒彗長丈餘闊三尺餘東北指歷五
車白氣爲岐橫天貫北河五諸侯軒轅太微五帝

坐內五諸侯及角亢氏房宿癸未彗長丈五尺星有彗氣如一升器歷營宿至張凡一十四舍積六十七日星氣孛皆滅

宋神宗熙寧二年六月辛酉晝有流星夕有星透雲出織女西南急行入濁沒赤黃有尾跡

宋哲宗紹聖四年八月巳酉彗出氐度中如填有光色白氣長三丈斜指天市左星

宋徽宗崇寧五年正月戊戌彗出西方如杯口大光芒散出如碎星長六丈闊三尺斜指東北自奎宿

貫婁胃昴畢後入濁不見

宋高宗紹興十七年正月乙亥妖星出東北方女宿內小如歲星光芒長五丈二月丙寅始消

宋孝宗淳熙十四年五月有星出濁際大如日與月相摩盪而入

宋理宗端平二年春天狗墜懷安金堂縣聲如雷三州之人皆聞之化為碎石其色紅

理宗景定五年秋七月甲戌彗星出柳芒角燭天長數十丈自四更見東方日高方斂退行輿鬼歷井

參凡四月乃滅臺諫上書言此公田不便民間愁
怨所致賈似道力辨且乞罷政帝勉畱之

宋度宗咸淳十年九月壬寅有星見西方曲如蚓

宋瀛國公德祐元年二月丁亥有星二鬪于中天頃
之一星墜

遼穆宗應曆十一年二月丙辰蕭思溫奏老人星見
乞行赦宥十三年二月乙巳老人星又見

遼道宗咸雍元年十一月壬戌有星如斗逆行隱隱
有聲

金海陵正隆三年正月丁亥有流星如杯長二丈餘
其光燭地出太微沒於梗河之北

金章宗太和六年八月己未卯正初刻太白晝見在
日前其夜五更熒惑與輿鬼積尸氣相犯在七寸
內庚申卯正初刻太白晝見在日後其夜五更初
熒惑在輿鬼積尸氣中

泰和六年十一月庚子日斜有流星二光芒如炬幾
及一丈起東北沒東南

金衛紹王大安元年正月辛丑有飛星如火起天市

垣尾跡如赤龍之狀移刻散

大安二年正月庚戌朔日中有流星出大如盆其色碧西行漸如車輪尾長數丈沒於濁中至地復起光散如火移刻滅二月客星入紫微垣光散爲赤龍

衛紹王至寧元年春三月正午日月太白皆相去咫尺

金宣宗貞祐三年秋七月戊午有星如太白色青白有尾出紫微垣北極入貫索中

貞祐四年正月乙卯夜中天有流星大如日色赤長丈餘墜於西南其聲如雷

宣宗興定二年八月壬戌有流星大如杯尾長丈餘其光燭地自東北至西南而墜其光如塔狀先有聲如風後若雷者三牕紙皆裂

興定三年七月壬寅初昏有星自西南來其光燭地狀如月而稍不圓色青白有小星千百環之若迸火然墜於東北少頃有聲如鼓
興定五年正月辛丑太白晝見於斗牛二百三十有

二日乃伏司天夾谷德王等奏以爲臣強之象請
致祭以禳之宣帝曰斗牛吳分蓋宋境也他國有
災吾禳之可乎

金哀宗天興元年九月巳酉彗星見東方色白長丈
餘彎曲如象牙出角軫南行至十二日長二丈十
六日月燭不見二十七日五更復出東南約長四
丈餘至十月一日始滅凡四十有八日司天奏其
咎在北京哀宗曰我亦北人今日之事我當滅也何
乃不先不後適丁此乎

元世祖至元元年七月甲戌彗星出輿鬼昏出西北
貫上台掃紫微文昌及北斗旦見東北凡四十餘
日

至元十年三月癸酉客星青白如粉絮起畢度五車
北復自文昌貫斗杓歷梗河至左攝提凡二十一
日

元成宗大德三年九月壬辰流星色赤尾長尺餘其
光燭地起自河鼓沒于牽牛之西有聲如雷

大德七年十二月庚戌彗星見約盈尺指東南色白

史異 卷之二
側在室十一度漸長尺餘復指西北掃騰蛇入紫
微垣至八年三月乙丑乃滅凡七十四日

元武宗至大元年七月庚申流星起自勾陳南至於
大角房尾跡約三尺化爲白氣聚於七公南行圓
若車輪微有銳經貫索滅

元仁宗延祐二年十月丙子朔客星見太微垣十一
月丙午變爲彗犯紫微垣歷軫至壁十五宿明年
二月庚寅乃滅

元英宗至治元年正月甲辰辰星犯外屏西第一星
辰星太白熒惑填星聚於奎宿

元順帝至正十年十一月冬至夜陝西耀州有星隕
於西原光耀燭地聲如雷鳴者三化爲石形如斧
一面如鐵一面如錫削之有屑擊之有聲

至正十六年冬十一月大名縣有星如火自東南流
尾如曳篲隧入於地化爲石青黑光瑩狀如狗頭
其斷處類新割者有司以進太史驗視云天狗也
命藏於庫

至正十八年十二月戊寅太白生黑芒環繞太白乍

東乍西乍動乍靜癸未太白生黑芒忽明忽暗乍
東乍西

至正十九年正月癸丑流星如酒盃大色赤尾跡約
長五尺餘起自南河沒於騰蛇其星將沒迸散隨
落處有聲如雷

至正二十年閏五月乙亥流星如桃大色赤尾跡約
長丈餘起自房宿之側緩緩西行沒於近濁

至正二十二年三月戊申彗星不見星形惟有白氣
形曲竟天西指掃天角

至正二十三年九月庚子孛星見於紫微垣北斗權
星之側色如粉絮約斗大往東南行過犯天棓星
至正二十六年十一月戊子熒惑犯太微東垣上相
太白犯鍵閉巳丑流星如酒杯大分爲三星緊相
隨前一星色青明後二星色赤尾跡約長二丈餘
起自東北後緩往西南行沒於近濁

或自東北

或自東南

太白外

至五十二

至五十二 色似紫條 十大卦東南 卦巽卦天部星

至五十二 年庚子 字星 具外紫 燄 卦北平 蠶

627/10
史異編
504

下對於世

至五十二 年庚子 字星 具外紫 燄 卦北平 蠶

至五十二 年庚子 字星 具外紫 燄 卦北平 蠶

至五十二 年庚子 字星 具外紫 燄 卦北平 蠶

聖